

萬  
歷  
會  
計  
錄

出曆會計錄卷之四十

茶法

河州茶馬司

洪武六年建

西寧茶馬司

洪武參拾年自秦州改東

洮州茶馬司

水樂以年建

甘肅茶馬司

初建無者正統初年裁革嘉靖時補設年復裁

抽驗茶引所

永樂降年定嘉靖在拾陸年自徽州改移向水江仍歸徽州

課茶

陝西茶課初貳萬陸千捌百陸拾貳斤壹拾伍

兩伍錢弘治拾捌年新增貳萬肆千壹百陸

拾肆斤塊價壹千貳拾陸斤壹拾伍兩價

錢見今茶課伍萬壹千叁百捌拾肆斤壹拾

叁兩肆錢

係溪中府屬金州縣屬石泉漢陰西鄉伍川縣茂辦分縣各茶馬司

四川茶課初壹百萬斤後減為捌拾肆萬叁千

陸拾斤正統玖年減半價運景泰貳年停止

成化拾玖年奏

准每歲運拾萬斤見今茶課本色壹拾伍萬捌千捌

百伍拾玖斤零存彼處衙門聽候支用

係石泉建

始長寧等縣并建昌天全烏蒙鎮雜未宣九姓土司辦納折色叁拾叁萬

陸千玖百陸拾叁斤共徵銀肆千柒百貳兩

捌分內叁千壹百伍兩伍錢伍分存本省賞

番實解陝西巡茶衙門易馬銀壹千伍百玖

拾陸兩伍錢叁分

係保寧府屬巴州通江廣元南江四州縣解納○萬

曆陸年巡茶御史李時成冊報新收銀壹千陸百玖拾肆兩陸錢肆分

### 商茶

每歲招商報中原無定數大約先後以陸拾萬

斤捌拾萬斤為率酌派各司令商自運取其

半入官與課茶相兼易馬餘悉給商貨責每

壹千斤許帶附餘茶伍拾斤

今各茶馬司有商正茶即招商

報中者有私茶乃與販盤獲

者有私茶乃與販盤獲

者有私茶乃與販盤獲

茶法

茶馬之法匪直為馬政計。聯西戎以控北虜。三邊之永利存焉。其要惟在慎。招中禁私。易陝中事宜。節經條畫無遺。筭矣。第考四川茶課。初制百萬。今解易馬者僅十之一。即以存留賞番者。統計纔十之三四耳。稍一查勘。率以茶株枯死為解。然消長之數大約宜亦相當。安得懸絕若此。矧松礮碇門密邇。西羌黎雅稅銀數亦無幾。茶禁嚴於陝。似畧於蜀。能保無遺姦乎。惟當事者宜盡心焉。

沿革事例

洪武初令陝西洮州河州西寧各該茶馬司收貯  
官茶叁年壹次差在京官齋捧金牌信符往附  
近番族招番對驗納馬酬茶原額牌肆拾壹面  
上號藏

內府下號降各番篆文曰

皇帝聖旨

左曰金當差發  
右曰不信者斬

洮州火把藏思囊日等旗

牌陸面納馬叁千伍拾匹河州必里衛貳州茶  
站西番貳拾玖族牌貳拾壹面納馬柒千柒百  
伍匹西番陸拾玖族牌陸拾壹面納馬柒千柒百

申藏等族壹拾陸面納馬叁千伍拾匹先期

四川徵茶壹百萬斤官軍轉運各茶馬司

番族復因此虜搶殺所存無幾查今律茶馬司

定茶禁凡諸人犯私茶與私鹽一體論罪陝西

四川有以私茶出境斷關隘不覺察者處極刑

民間蓄茶不得過壹月之用茶戶私蓄者將其

園入官又今陝西金州石泉漢陰西鄉等縣茶

園每拾株官取壹分其民所收茶膏給價百無

主者令守城軍士轉運採取以十分為率官取

捌分軍收貳分無餘拾斤為壹包貳包為壹引有司收貯

伍年令四川產茶地方照例每拾株官取一分

徵茶捌兩無主者令人轉種以十分為率官取

八分

本年又令碭門永寧筠連諸處所產剪刀粗茶  
令立局徵稅易換紅纓氈衫米布椒蠟以備官  
用其民所收茶照江南茶法於所在官司給引  
販賣

柒年建河州茶馬司

貳拾壹年令差人開辦天全六番招討司茶課  
貳拾叁年定茶易馬上等馬每匹壹百貳拾斤  
中等馬每匹柒拾斤下等馬每匹伍拾斤

叁拾年自秦州改建西寧茶馬司

本年歇奉



詔書采干烏思藏長河一帶西番自來將  
來換茶近年因販私茶出境的多以此不將馬出  
來戶部便出榜去但通接西番經行的關隘偏僻  
的小路着都司差撥官軍三四層嚴謹把守巡視  
但有將茶私出境外就便拏解赴官治罪不許受  
財放過又須窮究何處官軍地方放過治以重罪  
但有茶都積下教西番那裡依舊將馬出來換與  
他茶欽此

本年令自參月至玖月每月差行人壹員於陝  
西河州臨洮四川碶門黎雅等處省諭禁約私

茶又令四川成都重慶保寧夔府及播州宣慰司各置茶倉貯茶以待客商納米中賣及與西番易馬

永樂陸年欽奉

詔書陝西四川地方多有通接生番經行關隘與偏僻小路洪武年間十分守把嚴謹不許放過既足布絹私茶青紙出境違者處死如今關隘上頭目軍士多不用心守把設法巡捕徃徃透漏既足私茶出境恁戶部再出榜文曉諭禁約還差人去說與都司布政司嚴察徃地勤勤的差的當人者

各關上省會把關頭目軍士今後務要用心守  
設法巡捕不許透漏段疋布絹私茶青紙出境若  
有不聽號令仍前私販出境拿獲到官定將犯人  
與本處不用心把關頭目俱各凌遲處死家遷化  
外貨物入官如私販之人同伴有能自首免罪給  
與重賞欽此

本年建批驗茶引所

玖年建洮州茶馬司

拾叁年差御史參員巡督陝西茶馬

洪熙元年令四川保寧等府所屬茶課照洪武年

間例辦納價買民茶盡行罷免官倉見積茶數  
堪換馬者仍留支用芽茶依當地時價作官吏  
俸鈔支銷其不堪換馬葉茶具奏覆驗燒毀

宣德肆年令免茶戶徭役

伍年鎮守都督同知劉照奏徵收河州西寧洮  
州馬匹合用價茶陸拾伍萬斤例該明年比對  
金符乞預備運四川茶課本部覆

准運河州茶馬司茶叁拾伍萬斤西寧茶馬司茶壹  
拾伍萬斤洮州茶馬司茶壹拾伍萬斤

新修陝西通志卷之二十一 茶馬司

年至宣德者每歲茶課壹萬壹千肆百餘  
叁斤零盤過堪中換馬葉茶叁千柒拾伍斤揀  
下泥爛葉茶捌千叁百柒拾捌斤乞照例燒毀  
本部覆 准

拾年本部題 准每叁箇月壹次取差行人前  
去巡茶禁約先差人員務待後次差人到彼更  
替回還後次人員直往省諭玖月終回還

本年本部題 准開中茶鹽不分官員軍民人  
等俱許四川成都保寧等處官倉關支官茶每  
壹百斤與折耗茶拾斤自備脚力運赴甘州支

與淮浙官鹽捌引運赴西寧與鹽陸引

正統元年都御史羅亨信題四川運茶客商多將所關官茶運至鳳翔鞏昌等處賣與官舍軍民人等內有勢豪之家假公擅起官軍運往西寧河州潛通熟識與西番買馬茶盡復回收買所運茶課伍柒年未納以致私茶日多官茶日賤乞行查究禁約本部覆准將運茶支鹽事例停罷

貳年鎮守西寧都指揮僉事金玉奏請運茶

被馬本都

官運茶恐邊儲有虞奉

聖旨邊儲要緊且罷待滅賊之後再來說了整理欵  
此

肆年四川布政司咨呈播州宣慰司茶課係是  
高樹大葉苗茶番人不認不堪易馬奉勘合燒  
毀以後茶課合照洪武年間事例折收鈔貫本  
司永豐倉收貯出給通關茶倉衙門照例裁革  
本部覆 准

伍年陝西按察司奏查勘過各處客商原關茶  
斤除已納獲通關外內有納欠壹半有無納者

乞行各商原籍按察司及巡按御史就彼提問  
追茶尚書劉中敷覆 准追茶完足差人押赴  
原定茶馬司納取無欠通關繳報

陸年鎮守總兵官任禮等題甘肅茶馬司收貯  
官茶年久即今馬貴茶賤別無支銷要將宣德  
拾年以前并正統元年分葉茶每壹斤作糧壹  
斗給本省行都司并甘肅左等衛所官員折俸  
支用尚書劉中敷覆 准

柒年四川布政司等衙門奏會議得瓊州府屬

京師靈衛等處茶葉共貳年開徑運至秦州茶



司後改西寧茶馬司永樂間將保寧所屬茶  
置倉收貯候軍夫關運其夔州府屬一向徑運  
遍年不完要將該府屬茶課自捌年為始亦運  
赴保寧府倉一體關運其柒年陸年該徵并拖  
欠之數仍令徑運茶馬司本部覆 准

捌年陝西漢中府金州知州王道言奏本州茅  
茶在庫泔爛乞將前茶買辦春秋祭祀等物或  
折官吏俸鈔其正統柒年以後每茅茶壹斤折  
收葉茶貳斤運西寧茶馬司收貯易馬本部覆

本年都御史曹翼題正統貳年至伍年茶葉在  
庫泥爛乞每斤作糧壹斗伍升准折官員俸糧  
本部覆准

玖年鎮守西寧都指揮僉事汪清奏西寧罕東  
安定等衛所各族番民例該叁年一次收納差  
發馬匹今照玖年例該比對金符乞預差官前  
去四川運茶本部覆奉

聖旨差丁鉉呂泰去欽此

本年刑部等衙門右侍郎等官丁鉉等題稱起

官例

拾斤陸續運越陝西橫界褒城縣茶廠但  
等府衛旱傷欲候下年豐收償運奉

聖旨茶馬要用着丁鉉呂泰同徐亨及陝西三司官  
每從長計議於軍民殷實有丁之家內起倩軍夫  
設法陸續償運酌量於附近有糧去處給與口糧  
接濟嚴督軍衛有司管運官好生撫恤軍夫不許  
一毫科擾及生事逼迫違了的重罪不饒仍將償  
運方畧具實奏來欽此

本年右侍郎丁鉉等會議將減半今運茶斤照  
依上年事例陝西都司運參分半布政司運陸

分半除都司所屬延安綏德等捌衛并延安府屬葭州等陸州縣俱臨邊境不切撥軍夫外其餘有司軍衛酌量起倩共該軍壹萬伍百叁拾捌名漢中府屬并寧羗漢中貳衛與褒城縣茶廠附近口糧不支西安等府并西安左前等衛災傷去處兼路程寫遠每軍夫壹名於所在府州縣官倉給口糧叁斗平涼臨洮鞏昌鳳翔金州等伍府州并平涼臨洮鞏昌河州秦岷州洮州金州等衛所路途稍近每名給口糧貳斗銀直抵褒城縣茶廠開茶之日就彼處并沿途

官司仍日...  
拾肆年停止茶馬金牌後每歲遣行人肆員巡  
察私販自潼關以西至甘肅等處通行禁革  
本年都御史馬昂奏陝西行都司地方田禾不  
收軍民饑窘要將該徵茶馬停候豐年另行兵  
部議覆奉

聖旨不准他說只照舊行本部會同兵部議

請差京堂官貳員前往四川催茶僱運合用軍夫照  
往年事例運赴接界交與陝西軍夫轉運各茶  
馬司交收奉

聖旨是着湯鼎張如宗去欽此

景泰元年鎮守太監劉永誠題甘肅地方番漢軍民俱各艱難又係邊務方啟賊寇擾攘之際乞將茶馬暫停候邊務寧息另奏定奪尚書金灋覆准行四川陝西都布貳司會同湯鼎等將原收茶斤除運到茶馬司者交收外運至中途者於在官庫交收已出倉未運者仍送本倉聽候備運湯鼎等就便回京

貳年本部題陝西四川地方雖稱盜賊稍息人

處衛未盡盡免

官巡視關隘禁私茶開差行

伍年本部題 准照例差行人貳員往四川陝西禁約私茶

本年令各處軍民人等挑擔馱載私茶者盤獲茶貨車輛頭匹入官牙行及停藏之家俱依律治罪巡捕人員受財縱放者一體究問將引照茶賣畢繳所在官司送各該批驗所類解本部查銷過期不繳者批驗所每季查商名貫址引由數目開報合于上司轉行各該巡按御史接

察同提問追繳

天順貳年令凡番僧夾帶姦人并軍器私茶違禁等物許沿途官司盤檢茶貨等物入官伴送夾帶人送所在官司問罪若番僧所至之處各該衙門不即應付縱容收買茶貨及私受饋贈改關文者聽巡按御史按察司官體察究治

成化叁年陝西巡撫項忠條陳一議茶馬乞照舊浙巡鹽事例暫差風力御史壹員週年更替茶禁既嚴番人自必用馬易茶許將官茶就附近城垣與之互市茶久不堪者酌量增添馬匹足

納茶無煙帶印者止仍差行人一議茶探



要將漢中府屬在庫茶斤俱各釐檢堪中者照  
時價變賣銀布之類不堪者給民肥田變易鈔  
貫今後歲辦茶斤每百斤從輕量收銀伍錢無  
銀折收絲絹等物待西番平定用茶之日仍令  
輸辦本色尚書馬昂覆歲辦茶課暫權宜折收  
銀布難便着為定規候邊事少寧另議其冬年  
一次差官運茶入番易馬及差行人禁約私茶  
俱係

舊制未敢擅便定奪奉

聖旨是茶馬事且着御史去整理欽此

伍年巡茶御史馬進題各茶馬司茶斤數少不  
勾招易要將本布政司收貯銀布委官收買茶  
斤又該巡撫馬文昇查勘事有違碍難准收買  
要將金州等處歲辦茶課自陸年為始仍收本  
色尚書楊鼎覆 准

柒年給事中王銓題四川建昌等衛通年差行  
人省諭不過虛應故事乞查照陝西事例着監  
察御史或布按貳司分巡官禁約本部覆

准行今四川按察司着落分巡官照例親詣門黎  
雅等處各該關隘往來省諭守把管軍人等嚴

加禁約每歲更替將捉獲過私茶數目報司具奏

拾年延綏巡撫余子俊奏借支官銀壹萬兩委官前去湖廣襄陽武昌寶慶等處買茶貳拾萬斤易換番馬送榆林城給俵尚書楊鼎覆漢中府見有茶斤可買粗細相搭計銀壹兩可買壹百斤就于榆林綏德貳庫共支銀伍千兩往該府產茶去處收買候秋成於領馬軍人名下追銀還官或折作彼處官軍俸糧

拾壹年陝西巡撫馬文昇題自正統拾肆年後

金牌事例不行差行人禁茶茶法阻壅及巡撫  
項忠奏革行人差御史巡茶招番易馬私茶少  
息但今番人的係馬少似應暫停乞將巡茶御  
史取回仍差行人及行布按貳司各委官壹員  
專一巡禁再行陝西并河西巡按帶管提督兵  
部議覆從之因守備蔣玉奏稱榜河州衛呈准  
必里衛番官汪采并國師禪師頭  
月等告稱御史年年收馬不便兵部議行巡撫  
馬文昇體勘故有此奏是年仍差行人巡茶  
拾肆年兵部題稱巡茶御史停止按察司官巡  
禁不專以致軍民專一興販私茶易馬之利盡  
歸迤西守備等官若私茶嚴禁不必招番彼自

爭趨易換

勅戶部照舊擬差御史前去嚴督巡禁番人果愿中  
馬來則交易去則不拘惟以所獲私茶為稱職  
不以馬匹數少為怠事如此則姦貪規利之心  
自然消沮本部覆 准

拾伍年差御史汪山巡茶

勅曰陝西洮州河州西寧茶馬司各處舊時收貯官  
茶易換番馬以資國用甚為有益近年以來例久  
不行多被官員軍民人等興販私茶通同交易以  
致官茶阻滯邊方缺馬騎操今特命爾前去申明

節次條例提督都布按三司軍衛有司并守備把  
隘等官但係通番關隘與偏僻小路俱要官軍用  
心巡禁嚴謹把截仍不時親歷點關不許官豪勢  
要及軍民得過之家私自興販貨物潛入番境通  
同交易舊例叁年一次招番易馬今可不拘亦不  
必招有愿來者聽來交易所買上中下等第不分  
兒駟騾馬俱解陝西行太僕寺印烙轉送苑馬寺  
牧養欽此

拾玖年陝西巡撫阮勤奏將地畝茶課定例四  
川每年運貳拾萬斤湖廣運拾萬斤尚書翁世

資覆查得湖廣並無歲辦茶課其四川傳  
府所屬茶課每歲運拾萬斤至陝西接界交收  
轉運各茶司支用

弘治元年奏 准凡軍衛有司果無私茶不許分  
派下人買納

參年巡按陝西御史李鸞題各邊缺馬乞招商  
報茶西寧河州各肆拾萬斤洮州貳拾萬斤行  
陝西布政司給與文引每引不過壹百斤每商  
不過參千斤前去產茶地方收買運赴原撥茶  
馬司以拾分為率肆分入官陸分聽其貨賣總

計前茶可得肆拾萬斤以茶百斤易上馬壹匹  
捌拾斤易中馬壹匹可得肆千餘匹茶斤報滿  
馬匹足數例即停止本部覆 准

陸年陝西巡撫蕭楨以臨鞏平涼鞏府歲饑奏  
准開中茶壹百萬斤撥商於鞏府官倉納糧備賑

柒年陝西巡撫題西鳳等鞏府歲饑開中茶貳  
百萬斤召商撥撥缺糧倉分上納賑濟

捌年甘肅巡撫許進郎中楊奇各題將漢中等  
府該納茶斤或各茶馬司見在茶量撥貳百萬  
斤轉運甘肅收貯開市場馬本部覆



准不必易馬查照往年賣茶事例中茶肆百萬斤  
資邊儲

拾貳年巡茶御史王憲題稱關中糧茶數多小  
人乘時射利夾帶與販乞將糧茶事例停止尚  
書周經覆 准倘有地方兵荒另行查照整理  
拾肆年延綏巡撫陳壽題本鎮地方荒歉本部  
覆 准開中茶肆百萬斤召納糧料草束分撥  
急缺倉分

本年陝西布政使林元甫等奏稱榆林環慶固  
原等處地方達賊不時出沒邊餉缺乏乞

河西寧發賣茶斤量開肆伍百萬斤召商上納  
價銀類解邊倉糴買糧料本部覆 准

拾伍年巡茶御史王紹題稱開中商茶致使官  
勢之家陰結近番私相交易有壞茶法本部覆  
議將已報商人姓名查出拘審賣盡者追引銷  
繳未賣者將在官銀帛照原納糧草補還如無  
官錢許將靈州鹽課估計價值抵數原中茶斤  
未報者一併停止後遇兵荒不許開賣奉

聖旨是茶易馬匹專為備邊着差去御史好生用心  
整理務足先年之數今後再不許召商中茶欽此

拾陸年南京給事中徐藩御史夏鏗等題

請取回巡茶御史一應茶法悉聽督理馬政都御史  
楊一清兼理兵部議覆從之

拾柒年都御史楊一清題陝西禁茶地方綿亘  
數千里伏姦瘦匪要每年於陝西按察司揀擇  
風力憲臣壹員常川於臨洮府駐劄巡禁私茶  
痛革通番積弊壹年滿日擇委壹員交代

本年又題召商買茶給價疏曰漢中府產茶州  
縣遍年所出茶斤百數拾萬官課歲用之數不  
過十之一二若商販停革私茶嚴禁在山茶斤

無從售賣茶園人戶何所資藉彼見茶園無利  
不復葺理將來茶課亦虧今年正月間量發官  
銀壹千伍百柒拾餘兩差官買茶柒萬捌千捌  
百貳拾斤易過馬玖百餘匹若用銀買須得柒  
千餘兩但猶未免用官夫運送若欲官民兩便  
必須招商買運給價臣於肆月間招諭商人每  
茶壹千斤連蒸躉裝篋雇脚共計價銀伍拾兩  
令其自出資本買運計銀壹萬兩買茶貳拾萬  
斤可買馬幾叁千匹但茶價出自公家歲歲支  
給恐難為繼若運到官茶量將三分之一官為

發買以償商債者而便益合無自捐拊年而好  
聽臣出榜召商收買茶伍陸拾萬斤依原擬給  
銀定限聽其自買自運至各該茶司取實收查  
驗仍委官於西寧河州貳衛發賣價銀官庫收  
候給商不傷府庫之財不失商民之業坐收茶  
馬之利本部覆 准

本年又題洮州衛所屬思囊日等族隣四川松  
潘地方軍民深入與販洮州私茶既多河州西  
寧生熟番夷相傳販賣難以禁絕乞查照洪武  
永樂年間事例將建昌松潘碣門黎雅路遠去

處仍行撫按稽查夔州東鄉保寧利州附近陝西地方聽臣帶管每月各將有無獲問過私茶人犯緣由取具巡捕官兵不致縱容結狀開申查考本部覆奉

聖旨是着飭一清通行嚴加禁約軍民人等敢有仍前私販及該管官司不行用心捕獲一體重罪不饒欽此

本年又題將漢中府石泉縣池河巡檢司改置峽陽縣置口巡檢司以便盤詰

拾捌年都御史楊一清題漢中壹府歲課不及

與商而商以私鬻至百餘萬先年茶園消乏未  
蒙除豁新開茶園漫無稽考致使壹園壹畦者  
課程反多連山接隴者課程顧少細民有不均  
之嘆姦民遂玩法之私本部覆 准咨行後勘  
除開豁外共伍萬壹千貳拾陸斤壹拾伍兩伍  
錢新增課茶貳萬肆千壹百陸拾肆斤

正德元年都御史楊一清議令商人不願領價者  
對分官茶貯庫商茶徑自貨賣遂為常例原定  
每壹千斤帶附餘茶伍拾斤以備正數不足如

數足給為酬勞

是例弘治初御史李裕奏行  
矣尋即罷開建楊一清始復議

行  
便

貳年都御史楊一清奏 請查照先年事例仍  
差御史巡茶無理馬政疏曰查得洪武永樂年  
間公牒在年一次番人該納差發馬壹萬肆  
千伍拾壹匹價茶先期於四川保寧等府運送  
壹百萬斤四川軍民運赴陝西接界去處交與  
陝西軍夫轉運各茶馬司宣德正統以來邊方  
多事茶馬停止陸拾年來莫之能復如臣近所  
收易番馬以叁年計之似過其數所用茶斤皆  
招商買運不煩軍民轉輸故邊方既得實用而



以地才以長知任馬政茶法事常多寶和彥先  
年陝西行太僕寺苑馬寺馬政俱該陝西巡撫  
無管而茶馬則巡茶御史主之巡撫政務繁多  
馬政一事實不經意而茶司所易良駑莫究騎  
操所給登耗不聞虛名無實亦勢使然頃設督  
理馬政之官兼總數事茶司之所易即監苑之  
所牧監苑之所牧即官軍之所給非惟不相悖  
而反相為用故臣之不才亦得稍效其愚此後  
督理之官恐難復設若令陝西巡撫帶管不無  
仍蹈舊轍合無仍設巡茶御史壹員請

勅燕理馬政茶法貳事凡臣已經布置規畫奏有  
成命一切事宜非有大碍不必立異更張庶幾事有  
定規人有定志可大可久為益實多兵部議覆  
詔從之

拾年巡茶御史王汝舟以每年茶易番人不辦  
秤衡止訂篋中馬篋大則官虧其直過小則商  
病其繁乃酌為中制每壹千斤定叁百叁拾篋  
以陸斤肆兩為準作正茶叁斤篋繩叁斤

拾叁年巡茶御史樊繼祖以商茶壹千斤定叁  
百叁拾篋官商對撥每篋正茶叁斤篋繩叁斤

其篋繩約重壹斤尚有羨餘貳斤茶司李報每  
篋止開叁斤羨餘盡入侵漁不可勾考擬令循  
環季簿計篋扣報以防後姦

拾肆年巡茶御史李獻以商茶盤詰法網大繁  
官吏恣為科索令漢中秤盤徽筆點篋臨蘭單

去秤盤

今擬單秤盤如  
故止單臨蘭

嘉靖貳年本部題清理茶法以裕財用以安地方  
小民園圃自種自採鬻于壹鄉壹邑以養生者  
不得瑣細搜求騷擾如有見任總鎮守備勢要  
家人頭目與販通番者茶貨入官聽撫按官叅

究奉

聖旨是這茶馬事宜恁部裏查議明白都依擬衍四  
川地方私立抽稅盡行革罷還着巡撫官出榜申  
明曉諭禁約有違犯的照依舊例從重治罪發遣  
欽此

參年御史陳講以商茶低偽欲悉徵黑茶恐地  
產有限乃第茶為上中貳等參柒為則每千斤  
定上茶玖拾玖篋中茶貳百貳拾壹篋令漢中  
府秤盤註引每篋用上中火印烙記書本商姓  
名以候追考

拾壹年御史郭圻奏茶馬司私茶拾萬有餘積於無用合無將三司節年收貯茶斤聽兵備邊備等官不拘年例之數設法易馬其各處堆積者量其遠近通融查處西安等捌府衛私茶俱解臨鞏貳府河西莊浪壹拾伍衛所俱解西寧聽兵備等官招易兵部議覆從之

拾貳年御史郭圻條陳審茶園以均課程革壘茶以絕私販嚴收支以慎茶斤尚書許讚覆

准令茶戶通行查審如園場多而納課少者量為加增園場少而納課多者量為減除每拾年一次

清審如有採取私茶躉成方塊與販查照律例  
從重問遣監收官吏庫役人等凡遇收受商茶  
俱要辯驗真正好茶其易為放茶之時挨陳放  
支不許那移作弊

拾肆年御史劉良卿題稱查勘邊駱駝巷稍子  
堡高橋火鑽峪伏羗靈遠肆茶運所專撥夫役  
遍運官茶自商茶例開徵買法罷夫役既以徵  
銀運所誠為空設相應裁革尚書梁材覆

准止存徽州批驗壺所

拾五年御史劉良卿條陳一量積壙境之茶以

通行內  
通查之刑以杜輕玩尚書禁村覆 准

一重

拾玖年御史沈鉞題

請節省地畝課茶腳價以清姦弊以甦民困本部覆  
准

貳拾壹年御史張渙奏

請明例禁做茶以便招易尚書聞淵等覆

准今後有犯偽造做茶者本商并轉賣之人俱問發  
附近衛分充軍係獲裏者發充邊衛窩頓店戶  
至壹千斤以上者照例一體發遣不及前數者

修私鹽律擬斷

貳拾伍年御史胡彥奏

請凡例計處堆積不堪易馬茶斤以資馬政疏曰茶  
馬之設固以濟乎邊務實欲繫乎戎心每年易  
馬給以真正好茶彼乃交手騰騰或低假致  
令憎嫌近則執物目前遠則抗違來歲失信損  
威甚矣歲復一歲陳者愈陳必不得已而變賣  
燒毀之策與馬變賣之策得矣然蒙古轉販官  
商阻遏燒毀之策似矣然貪官污吏虛捏侵欺  
流弊有不可勝言者况今參茶馬司是在堪以



到首日益月增可保無不足之患且洮河西寧  
等處居民人等以畜牧為生非乳酪不食猶畜  
民也第茶禁例甚嚴茶價騰踴貧困之家鮮得  
其食合無將見在不堪易馬茶斤減價叁分之  
貳約差好者每篋量估價銀貳錢貳分次貳錢  
次壹錢捌分遇各軍支放折色月分每軍量給  
前茶壹貳篋即于本軍應支折色銀內照依茶  
篋數目扣銀在官類解陝西行太僕寺貯庫聽  
候買馬不必拘定篋數願領者聽不尤愈於變

賞雜糧手其漚爛茶斤易馬既非所宜給軍又  
拂其欲若將參衛寄養茶馬人戶量加分賞以  
賑凋落不尤愈於燒毀乎以馬政之財還馬政  
之用初無得此失彼之虞以地方之利資地方  
之生且有惠而不費之惠亦自時弊而變宜  
民之一策也本部覆 准

參拾肆年巡茶御史楊美益題稱西安等府錢  
糧要將茶法項下歲課年兩帶按舊課本部覆  
准仍行再加詳詳如產茶廣成於茶法馬政無碍即  
照先年納糧備賑事例酌量不納糧米候歲豐

奏指前年御史楊美益夫糾召商中納粟米賑  
救並無一人報中要照劉希龍所議每年止開  
玖拾餘萬斤招番易馬而前後諸議通內部以  
息私販增開中以備賑荒者俱欲停止雖必開  
三分之一亦可裨三分之一尚書方鈍覆

准行令巡茶御史照依弘治年事例除易馬外止  
開中茶壹百萬斤召納緊要邊鎮以備軍餉導  
照舊額專備易馬

本年御史梁汝壯條奏一增

勅旨以禪茶法○一改批驗以便盤發尚書方針  
准候差滿更替之日將夔保一帶茶法增入

勅內建昌松潘硯門黎雅等處仍行四川撫按督令  
兵備等官巡禁其火鑽批驗所官吏改移白水  
江就近管轄督發商運各行陝西撫按官會同  
勘奏果於茶政有裨如所擬行

隆慶叁年御史李良臣條奏一專責成以遏私販  
○一斷商茶以絕抵換○一易陳茶以清庫藏  
尚書劉體乾覆 准

萬曆元年陝西御史趙官題議減新增茶課并查

以魚民困尚書王國光覆奏得四川通江  
縣舊額茶課以萬柒千貳百玖拾餘斤歲徵銀  
壹千壹百陸拾柒兩伍錢零通年解四川布政  
司賞番支用至嘉靖肆拾貳年陝西甘州建設  
茶馬司遂將前茶改解本色易馬繼因民苦解  
運包賠該兩省撫按會題改徵折色不分葉芽  
每斤槩徵銀壹分捌釐共增銀伍百捌拾叁兩  
有零該縣地瘠課多逋負所據豁免加增銀兩  
并查茶園事宜相應依擬自本年為始查照舊  
額芽茶每斤折銀壹分捌釐葉茶每斤折銀陸

釐通計折銀壹千壹百陸拾柒兩伍錢肆分零  
仍行四川守巡等道督令各該州縣掌印官將  
本處茶園逐一查勘要見某園荒廢應當免課  
某園新開應當起科某園消乏應當量減某園  
墾闢應當量加一一清審的確事完造冊

奏繳奉

聖旨是欽此

貳年四川巡按孫代冊報查得四川每年原額  
本色茶壹拾伍萬捌千捌百伍拾玖斤零坐石  
泉建始長寧等縣并建昌永全烏蒙鎮雄永寧

如等土司俱收彼處衙門稅銀支用折色茶  
叁拾叁萬陸千玖百陸拾叁斤零芽茶每斤折  
銀貳分伍釐葉茶每斤折銀壹分捌釐共銀肆  
千柒百貳兩捌分零內除巴州通江廣元南江  
犍州縣共銀壹千伍百玖拾陸兩伍錢叁分零  
遍手徵解陝西巡茶衙門驗發蘭州易馬濟邊  
其餘州縣銀兩雖有定數節年茶株枯死完解  
不一陸續解司支賞進

貢番僧支用

臣等謹按

國家控制西番惟在茶馬故設肆司壺所以總商  
課之出入而稽察之而歲以御史巡視則陝之  
漢中川之夔保私茶之禁獨嚴焉顧甘肅迤西  
一帶地隣番族孔路繁多非密於譏察則豪民  
猶得以犯禁而牟重利而給商引由或遇截角  
不即銷繳則有持退引以影射之弊故期限不  
可不嚴也其課茶園丁消長不齊必覈其實果  
疲乏則稍寬舊課以恤之而課諸新墾者以補  
酌本折與芽葉所宜不一槩重徵之斯困困少  
蘇矣至其易馬茶篋必與之新美堪用者毋令



屑帶洋齋以失諸番之心其貯久不堪易馬茶斤則擇其差可用者或減價給軍以當折色月糧而糧銀即以易馬或取賞貳衛寄養茶馬人戶以示惠懷不必如前燒燬俱如先時御史胡彥所條奏者行之如此則茶馬利權長歸於我而諸番有不世奉約束者乎

萬曆會計錄卷之十一

錢法 法附

寶源局

洪武初建

寶鈔提舉司

洪武初建

本朝錢法自洪武初鑄大中通寶與歷代錢並行之  
後鑄洪武通寶有當拾當伍當叁當貳之制又  
令造小錢壹拾文至伍拾文以便民用又印造  
大明寶鈔與錢相無行使每鈔壹貫准錢壹千文所  
為量資幣權輕重以振揀民慮至深遠也永樂  
宣德中鈔法阻滯禁約毋得行使錢凡課程課

稅及園地房舍等項俱令納鈔成化初錢法不通始令錢鈔中半兼收弘治正德嘉靖以來鈔法不行新舊錢行使不一萬曆肆年奉

旨疏通錢法令各省開局鼓鑄萬曆通寶與舊錢並行民甚便之今則民偽日滋巧於射利近代制

錢

輩較之下亦任意阻格是在有巡禁之責者加之意

耳

沿革事例

正統拾貳年直隸巡按周鑑題稱灤縣迤南直抵臨清濟寧徐州淮揚等處軍民買賣一切俱用銅錢鈔法阻滯恐各處亦有此弊乞除兩廣行使銅錢不禁外其南北直隸并浙江山東等處禁約軍民買賣暫將銅錢住使專行使鈔貫本部覆禁約銅錢係洪武年間通行天下事例難分地方欲行都察院轉行各處巡按御史嚴加禁約奉

聖旨罷不必行欽此

景泰元年直隸巡按李周題稱銅錢鑄自前古寶  
鈔造自

今朝二者相為子母不可偏廢要將先前禁約行使  
銅錢事例從宜革去一遵

太祖舊制榜示天下俾錢鈔二者相兼行使尚書金  
濂覆 准禁約軍民行使銅錢係是洪武年間  
通行舊例况今鈔法尚未流通若將銅錢准令  
行使誠恐鈔法阻滯不便合無仍照見行榜例  
禁約施行

伍年尚書張鳳題 准

聖朝置造寶鈔銅錢相兼行使近年以來南北

京專用銅錢不用鈔貫欲行移南北貳京戶部

都察院各委御史主事壹員督同五城兵馬

順天應天貳府委官各將該管地方不分給賜

自置塌房庫房店房菜園果株并沿街沿門各

色大小鋪行但係發賣取利者通行取勘該收

鈔貫不分輒爛徑送內府天財庫交納堪中

好鈔存收備用不堪之數照例年終會官燒毀

各官將送納過鈔數按月會同奏報仍將兩京

文武官吏人等折色俸糧每石該鈔壹拾伍貫

上半年該支鈔貫不為常例暫且住支自陸年  
為始貳年折與銀兩或濶白綿布每銀壹兩折  
鈔伍百貫布壹疋折鈔壹百伍拾貫下半年折  
俸鈔貫照舊折支胡椒蘇木候鈔法疏通俱各  
照舊施行

成化元年尚書馬昂因錢法不通題  
准將天下戶口食鹽等項錢鈔中半兼收

本年又題錢法阻滯乞先自京城九門并都  
稅宜課等司批驗茶引所等衙門額辦商稅門  
攤塌店等房諸色物行該納課程及各衙門日

逐收受大小車輛驢馱載該納課鈔自文到  
為始錢鈔中半送納每鈔壹貫許令納銅錢幾  
文仍通行天下衙門但有該徵商稅課程船料  
等項鈔貫一體依例相兼銅錢收稅該起運赴  
京者照數起解該庫奉

聖旨是錢鈔中半兼收每鈔壹貫收幾肆文除破碎  
并錫錢不收其餘銅錢不拘新舊年代遠近盡數  
驗收欽此

拾陸年順天府大興縣民人何通奏稱先年每  
銀壹錢准使銅錢捌拾文以此錢貴米賤軍民



安業近年以來外處偽造銅錢興販來京貨賣行使每銀壹錢准銅錢壹百參拾文近來街市選揀銅錢未價增貴乞要禁約尚書陳鉞覆

准行令都察院出榜禁約及廠衛等衙門緝訪如有揀錢并偽造之人拏送法司枷號究問如律就將犯人名下追罰銅錢給賞

弘治元年司鑰庫署庫事右少監金銘等題稱該庫鈔錠缺乏不敷放支要將京城九門都稅宣課司順天等捌府并山東河南貳布政司戶口食鹽全收鈔貫淮安臨清揚州蘇州杭州九

江等處板開船料鈔開俱令鈔錢兼收送庫支  
用尚書李敏覆 准

正德伍年戶科右給事中李鐸題稱低錢盛行要  
行禁革本部覆將新鑄鉛錫薄小低錢倒好皮  
棍等項名色盡革合將洪武弘樂洪熙宣德弘  
治通寶及歷代真正大樣舊錢相兼行使

陸年本部題訪得 京城內外軍民商販人等  
專一批揀上等好錢其餘堪用者俱各不用以  
致錢法阻滯乞再申明禁約今後交易除破碎  
錫花及私鑄新錢折貳當壹不使外其餘但係

歷代舊錢片洪武等年真正官錢相兼行使不許仍乘機恣意挑選庶錢法疏通小民便益奉聖旨是近來京城內外行使銅錢多有詐偽濫惡不堪該衙門奏准出榜禁約奉行太過致將舊錢一槩阻滯商賈不通民心嗟怨便通行曉諭除私鑄假錢不許行使外但係歷代銅錢着照舊使用以從民便不許地方官司酷刻禁阻并街市人等互相指勒敢有違犯事發的重罪不饒原出榜文不必張掛只依今次旨意行欽此

柒年尚書孫交題

准榜諭街市軍民商賈人

等不分年代遠近錢樣大小但係國圖銅錢  
文就筭壹文柒文作銀壹分聽從民便不許以  
貳折壹如有故違棟高棄低多方阻滯或姦猾  
之徒乘機窺利賤價廣收棟退銅錢積貯待價  
販賣者或私鑄鐵錫油簍醋浸假錢者俱行緝  
事等衙門巡視禁革且法行自上乞先將今年  
文武職官折色俸給以拾分為率壹分折錢玖  
分關銀及在京九門稅課在外各鈔關該收銅  
錢并官府買辦估價里甲大戶收受小民錢糧  
俱收歷代舊錢與國朝銅錢相兼收用仍移

咨工部轉行 內府天財庫將收積洪武永樂  
宣德銅錢與近鑄弘治通寶查出待今年各衙  
門官員折俸并光祿寺買辦錢鈔會計開支

嘉靖肆年本部委官主事李琪呈稱崇文門宣課  
分司收稅則例每鈔貳拾伍貫錢伍拾文該銀  
壹錢原本司諉有賣錢鈔舖戶貳拾餘人稱收  
商納銀兩代納錢鈔姦弊滋生乞比照鈔關收  
銀事例折收商納銀兩本部覆 准劄行本官  
自本年為始每鈔壹貫折銀叁釐每錢柒文折  
銀壹分查照應納課程之數隨即秤收送

內府內承運庫之收以備米祿寺等衙門買辦應用

陸年本部奏 准寶源局鑄造嘉靖通寶壹千捌百捌拾叁萬肆百文南京寶源局鑄造貳千貳百陸拾陸萬捌百文行工部并南京工部各選委部屬官壹員監督該局官吏匠作人等如法鑄造仍先行御用監鑄造樣錢貳千文每文重壹錢叁分一發寶源局作式一發司鑰庫驗收合用銅料于太倉庫內動支官銀照數收買真正貳火黃銅送發該局應用

卷之四十一  
錢法一  
四  
叁拾貳年戶科左給事中李用敬題通錢法以  
濟民困要將

本朝洪武水樂并唐宋古錢定為拾文壹分本部覆  
議得洪武通寶有當拾當伍當叁當貳之制見  
今堪用者復有壹錢柒拾文壹錢壹百肆拾文  
壹錢貳百壹拾文叁等合無任從民便將

本朝制錢并前代舊錢相兼行使一應物價俱照時  
估隨錢高下以為輕重不致錢貨兩相背馳奉  
聖旨依擬行欽此

本年直隸巡按陳大賓題要將歷代開元等錢

本朝崇武等錢及嘉靖通寶輪郭同滿體制豐厚定  
為壹等每錢柒拾文准銀壹錢次則純銅古製  
中樣舊錢定為壹等每壹百肆拾文准銀壹錢  
諸所徵收除光祿寺額辦各鈔關額解錢鈔已  
有定規并錢糧重大府州縣輕齋折銀照舊各  
從民便外其餘課稅罰贖等項並得依例准收  
合式銅錢每鈔壹貫折銀叁釐每銀壹分收錢  
柒文不分起存俱伍分為率以貳分存積本處  
以備在外官吏折俸以叁分解太倉銀庫以備  
在內文武官軍折布折糧支用尚書方鈍覆



准所行之法悉依歷代年號隨錢高下自柒拾文准  
銀壹錢壹百肆拾文准銀壹錢與

本朝制錢每柒拾文准銀壹錢咸得通行如有把持  
行市高擡物價估折好錢串售偽錢務盡法擊  
問但有銷鑄舊錢及今制錢造作銅像銅器等  
項者比盜鑄律科斷

本年司禮監傳奉

聖諭查照近年鑄錢例着自洪武至正德紀元九號  
每號壹百萬錠朕紀元號壹千萬錠如法製造不  
許減薄欽此尚書方純議得北京工部應鑄陸分

該錢壹千壹百肆拾萬錠計伍百柒拾億文南  
京工部應鑄肆分該錢柒百陸拾萬錠計叁百  
捌拾億文

參拾肆年兵科給事中殷正茂題欲收雲南之  
銅由四川運至湖廣城陵磯地方開局鑄造尚  
書方鈍覆雲南地方舊不用錢銅錫煤炭物料  
之數俱地方原有者合無移咨雲南巡撫將應  
解戶部鹽課銀兩動支貳萬兩收買物料於雲  
南省城便利府分開場鼓鑄嘉靖通寶務要肉  
好適均輪郭周正一應供應悉於贓罰銀內動

支不許騷擾有司驛遞工部選差寶源局官壹員帶樣錢并匠作貳拾名赴該省聽用轉相傳教嚴禁商賈人等不許私販銅錫以致價值騰踴鑄完起解雲南解至四川永寧四川解至湖廣湖廣解至南京戶部南京戶部轉解戶部專備九邊年例及商價京營料草折色文武官俸等項支用仍通行兩廣福建山東等處出銅地方果係銅多可採堪以鑄錢巡撫官具奏前來以憑覆議施行奉

聖旨准議行欽此

叁拾柒年雲南巡撫等官王昺等會題查得鑄錢工料銅錫採之于山收買頗易爐甘石松香煤炭產于夷方運辦艱難匠作取于楚雄等府人性獷野率多不堪且計所得為利不多民情未便乞行停止尚書賈應春覆雲南鑄錢利不償費似應罷鑄仍將未到銅錢并節年鹽課賊罰銀查發解部奉

聖旨雲南地方產銅工費俱稱省便你每還再議來說欽此本部會議題准行移雲南巡撫等官各照原議將該省收貯鹽課銀再動支貳萬兩責

令原委員依式接續鑄造

肆拾貳年工部咨稱要將制錢銅價查照節年用過銀兩數目酌量定數以憑會題尚書高燿覆查得嘉靖叁拾叁年肆月起至肆拾壹年拾月止計捌年陸箇月通共用過太倉銀壹拾叁萬兩每年約用銀壹萬伍千貳百餘兩自本年為始定議每年動支太倉銀壹萬伍千兩仍咨工部委官前赴太倉銀庫陸續支領鑄造

隆慶元年司禮監傳奉

聖旨朕聞京城內外錢法不通軍民人等難過兩戶

部曾同都察院體訪民情議處來說欽此隨該本部右侍郎劉自強會同都察院議題錢法必湏新舊兼用上下通行方為便益合無刊刻榜文曉諭京城內外及行

畿輔隣近地方凡國朝製造洪武永樂宣德弘治及嘉靖制錢并先代一應舊錢俱聽民間相兼行使除破損低假不用但係圓圓真正好錢上下通行永不更變奉

聖旨是欽此

本年尚書寫守禮題嚴禁私錢合無在內行巡

功御史及巡事衙門密加訪尋及行在外撫按  
嚴督各府州縣官令巡捕人役多方根究務將  
盜鑄人犯捉獲照律論死匠人同罪為從及知  
情行使者問罪用壹百斤枷枷號壹箇月照例  
發落告捕者官給賞銀伍拾兩里長隣佑不舉  
者連坐以罪所在州縣正官不覺察者坐以罷  
軟黜退私鑄人有能自首者照洪武陸亨例許  
作廢銅送官照斤量給價值免罪又禁各舖行  
人等買賣貨物值銀壹錢以上者銀錢兼使壹  
錢以下者止許用錢 國朝制錢及先代舊錢

每例文折銀壹分不許任意低昂價值再查  
文門所收錢鈔及太倉收貯南京解來錢給在  
京各衙門官吏為春季折俸之用以後按季銀  
錢間支崇文門課鈔除該銀叁兩以上者收銀  
其餘叁兩以下及九門各城房號行戶俱令收  
錢行使仍刊刻大字榜文張掛曉諭如有抗違  
阻塞應管衙門不行嚴禁容臣等分別具奏奉  
聖旨依議行欽此

本年又題廣鑄制錢以明大統奉

聖旨你部裏還會同工部詳議來說欽此本部左侍



即徐養正會同工部議得 國朝初制兩京十

三省皆開設廠局鑄造制錢民間通用自後興

革不一嘉靖以來止令兩京鑄造近年在京寶

源局亦復停止今議通行天下鑄造隆慶制錢

及查寶源局鑄錢事宜其銅炭器具工力之費

約銀壹錢止得錢肆拾伍文比之用銀虧折過

半今各省帑藏空虛無堪動銀兩其庫貯廢銅

有無未知若欲令罪贖折銅又恐地方出產不

便至於設立衙門建置官吏與夫關防詐偽恐

滋紛擾今 京城內外凡新舊制錢皆已通行

及北直隸山東河南等處見亦隨便用錢其各  
首地方金銀皮楮之類日用相安似當姑從民  
便所有原議通行鑄造合無准令暫行停止待  
後錢糧少充再為酌議題請施行奉

聖旨是欽此

萬曆肆年雲南巡按郭庭楮條陳國初立寶源  
局於京師貨泉局於各省後行寶鈔遂停錢  
局今滇省所用海肥出自遐方價貴乞照嘉靖  
年間為例於本省開鑄與海肥相兼行使左侍  
郎李紉滋覆該省山多產銅採鑄甚便所用工

匠俱議軍丁中選用合行撫按衙門轉行布政  
司督令所屬開局鼓鑄遵照新制萬曆通寶與  
國朝制錢相兼行使奉

聖旨依議行欽此

本年戶科給事中周良寅條陳一議監鑄之官  
即今開鑄利柄重大茲弊隱伏董理之官必須  
專職庶可興利戢弊尚書王國光議覆在兩京  
則隸工部在外布政司專以右布政使主之直  
隸各府專以府同知主之隨其適中之處開局  
鼓鑄其資本銀俱用本處存留銀兩今用銅錫

物料各照地方估價平買成造式樣俱要肉好  
輪郭均正不得輕重大小厚薄致令揀換一應  
支過錢糧造過錢數每年終造冊奏報○一申  
廢銅之令本部覆議內外監鑄官員務要申明  
律令不論軍民之家但有廢銅願賣者聽赴所  
在官司或易錢易銀照斤給價無銅者不得一  
槩搜括亦不許轉相首告以滋煩擾○一定折  
易之數本部覆議欲錢法通行要在適民之便  
除京師寶源局鑄造色樣許令金背相兼外  
其餘各省真鑄錢止許鑄造鐵造與同制錢每

拾文准銀一分其前代舊錢各處地方行使務  
從民便不得擅為低昂一權欽散之法本部  
覆議除各處有王府處所應該實支俸米內  
有願領錢者照依民間折數支給不領錢者仍  
舊外其内外文武等官凡四品以上俱貳分  
錢捌分支銀八品以上俱叁分支錢柒分支  
銀九品以下俱肆分支錢陸分支銀在官各役  
俱伍分支錢伍分支銀各處有司除起運錢糧  
及聽斷詞訟秋冬照舊折穀備賑外凡小民上  
納一切存留錢糧紙贖各令銀錢中半不許姦  
頂

用行低昂以挽錢法亦不許各地方官仍前將銀利取耗餘違者各照律例治罪奉

聖旨疏通錢幣乃是民良法依擬通行天下着各撫按官設法經理一體開鑄與本地方舊錢相兼行使務在便民毋致勞擾私鑄的嚴行禁治工部還各降以式鑄成之日着呈樣來看并有無通行緣由查實奏報欽此

伍年司禮監傳奉

聖旨朕聞京城內外錢法不通小民受困着戶部設法疏通其稅課房躉等項都用錢上納有違法私

鑄及勢豪人等與販射利阻壞錢法的厥衛并五  
城御史嚴行訪拏重治不饒欽此尚書殷正茂題  
一禁私鑄蓋錢法壅滯皆由私鑄若私鑄不禁  
則低假混雜錢終不行合無通行京城內外及  
各省直嚴行禁革密加緝訪年終會奏有無私  
鑄但拏獲賊犯明正者除犯人依律問罪公差  
人役照例給賞外緝捕官仍躡名紀錄如地方  
私鑄事發該管官不能覺察者以才力不及署  
考一草興販訪得富商大賈賤收各處雜錢  
私載來京希圖規利近則投落 正陽門外錢

市各亦遂則苛頓張家灣河西務等處暗地串  
賣於城中勢豪巨室雖白晝載入莫敢誰何合  
無通行省直各處關津嚴加盤詰至於河西務  
鈔關并崇文門宣課司則尤水陸要津本部劄  
行各官大張榜文用心撻驗遇有興販及夾帶  
來歷不明者俱係私錢嚴行究問如律錢盡數  
沒官其搜獲人役以原錢之半給賞○一編舖  
行 京城內外一應大小人家無錢必買於各  
舖有錢必賣於各舖有等姦商積其項錢多遂  
倡言其錢不行轉相煽惑愚弄小民既貴賣其



所積以圖目前之利又賤收其所累以罔他日  
之利錢之壅滯大端由此合移咨都察院通行  
五城御史將 京城內外賣錢舖行報名在官  
令其不論新錢舊錢照依定擬時估通融收賣  
每月具各樣錢法通行執結以憑稽察如此舖  
收而彼舖不收此舖賣彼舖不賣即係阻撓嚴  
行初覈開疑○一酌收放錢壅於下則民稱不  
便錢壅於上又將不行乞照先經題 准及近  
遵奉

聖諭崇文門宣課司收稅除貳兩以下者盡數收錢

今歲兩以上者亦銀錢中半上納 京城各門  
日收錢稅五城兵馬司房號等項盡數收錢其  
放錢一節除文武官員支俸銀錢照例關給外  
其各項商人應領料價量擬銀捌分錢貳分兼  
行支給其見行金背火漆鑄邊各錢價目各照  
依原題額收放毋得伸縮多寡以滋弊端奉  
聖旨依議行欽此

陸年湖廣巡撫陳瑞條陳一增置錢局該省地  
方廣遠今止省城開局鼓鑄乞于荊州衡州貳  
府擇其空閒官署各開壹局左侍郎謝鵬舉覆

除省城開局外再于荆衛貳府各開壹局分工  
鼓鑄就以貳府同知監督鑄造該道就近總理  
其應用首領等官聽該道酌量委用每錢壹文  
定以壹錢叁分為準毋令輕重揀換○一酌地  
供錢以便解運該省地里險遠解運艱難錢當  
就近分發從便濟用本部覆除已解銀料在省  
城錢局者照數領錢外以後武漢黃德岳州伍  
府屬解布政司承天鄖襄辰常伍府屬解荊州  
府永州長寶郴靖伍府州屬解衡州府各照議  
派銀數解送各庫發局鑄造每銀壹兩給錢千

文祿銀俸廩隨便支放該地方有產銅料聽各道從便取用以抵銀數○一定派工役以免偏費照得錢局翻砂剉磨等匠原議民壯內抽用緣錢局初創教習難成不得不廣募慣匠供役倘再荆衡增局工作頗多若仍令召募工費日滋乞於省城錢局內摘撥熟匠應用本部覆將省城錢局內撥精熟匠役每處各貳拾名餘於各州縣民壯內每處撥伶俐者貳名各照府屬分定局所充役每日於餘錢內量給飯食錢拾文俟各役慣熟之日召募漸次減發庶免工費

奉

聖旨依議行欽此

本年戶科都給事中石應岳等題稱訪得武清東光等地方姦徒窩藏開爐盜鑄京城有勢豪巨室串同興販內外構結愚弄小民致錢法不通乞通行嚴衛五城御史及各地地方官緝訪但能拏獲盜鑄者重加賞勞不能覺察捉獲者從重叅治仍行宣課司以後稅銀例應收錢者不拘何樣俱依折額徵收其五城房號兵馬司盡數收錢亦不必拘泥制錢字樣違者叅究其

舖行錢戶有不通收者訪拏枷號問罪尚書張  
學顏覆 都城錢法阻滯已經設法疏通今不  
及壹年壅塞如故謹將節奉

欽依事理擬為捌款重申禁諭不拘嘉靖隆慶萬曆  
制錢遵照前奉

欽依每金背捌文准銀壹分火漆錠壹各拾文准銀  
壹分洪武等項與前代舊錢各拾貳文准銀壹  
分相兼行使 一乘機射利阻撓錢法竄蒙常  
態使官員不避怨勞不畏城社密訪連宜于法  
誰肯剖身蔽珠今五城兵馬司朔望止以空結

送部詰其金法行否。謾應之曰：通行無滯。今壹年有餘，未見捕獲壹人報官。非明知故縱，則受賄交通，合無以後查係某城某坊錢法不行，及有私鑄私販事發者，巡城御史及本部訪實照分管畫地，即時叅單。如有受贓實跡，從重問擬。若捕獲有功，即題請陞叙。一查得律載私鑄銅錢者，絞。匠人罪同。為從及知情行使者，各減壹等。官捕者，官給賞銀伍拾兩，自奉。

欽依。之後五城廩衛兵番未肯捕獲壹人者，以姦豪買免之銀多予給賞之數。彼方樂為耳目，孰肯

原缺



鑄者量減賞銀叁拾兩與販人犯枷示原錢壹  
數沒官○一前題奉

欽依崇文門宣課司稅銀自貳兩以下者盡數收錢  
貳兩以上者銀錢中半大約銀壹兩收金背肆  
錢火漆錠等各項及京城各門日收錢稅  
并五城房號等項亦盡數收錢文武官員俸給  
悉照舊例開支各項商人應給料價量擬銀捌  
分錢貳分搭配支放遵行已久但今錢法壅滯  
合無將崇文門稅銀自叁兩以下盡數收錢叁  
兩以上銀錢中半如嘉靖隆慶火漆錠等項

盡將此項收候錢踴通仍行照舊

○

價俱照原議支給五城房號亦盡數收錢不許收銀仍令宛大貳縣錢戶壹拾貳名在崇文門更番辨驗如係偽錢即行首出治罪如通同不舉就枷號本門示衆○一太倉給放商價已照欽依銀錢貳捌兼支惟河南山東督糧兩道因該省解銀故以銀給商合無將太倉收貯制錢發兩道各壹萬兩過給商價亦以銀捌分錢貳分兼放仍各還太倉銀壹萬兩如錢支將盡呈部預行給發歲以為常○一團營軍士題

准肆月拾月准京折色領出銀兩多易錢以便買  
而賣錢行戶銀則多稱錢則少給軍士領銀伍  
錢止得肆錢有餘之用合候明年該放折色之  
特行京營總協大臣於閱操日徧詢軍士如願  
支錢行太倉照例折算各給伍錢如果不願亦  
不必強給通候臨期再行詳議奏

請庶錢在外者得入錢在內者得出公私似為兩便

一本部先奉

欽依已經通行各省直撫按查將存留錢糧照依題  
明分數設爐鼓鑄給散行使年終將支過

造過錢數詳冊奏報去後經今貳年並未

報前來則在外錢法阻滯可知合再通行各省  
直撫按嚴督監鑄官員照依原題事理務將各  
屬解到銀兩盡數鑄完分發各該州縣行使仍  
刊榜文張掛曉諭如有盜鑄與販等弊應枷號  
者枷號應叅奏者叅奏毋得止

請樣錢有名無實仍於年終將支過錢糧及造過錢  
數各若干及有無通行緣由造冊

奏繳奉

聖旨是近來京城內外錢法阻滯重困小民又前有

旨着天下通行鑄造本以便民乃各地方官通不  
着實奉行奸生違抗今姑依擬再行申飭有犯私  
鑄及倡言阻撓的除私鑄為首者依律論死其餘  
都照近例問罪用大枷枷號發落欽此

捌年雲南巡撫饒仁侃題本省自來慣用海肥  
不知錢法夷民行使不便乞要照舊鑄完銅錢  
肆拾玖萬文解部收用尚書張學顏議覆該省  
以後免再鑄錢仍舊行使海肥其見在銅錢若  
令解部所費腳價數多查得貴州見用制錢且  
與雲南相宜合將前項銅錢差人解送貴州

乞軍餉該省將銀兩照數解還雲南奉

聖旨雲南地方既不用錢不必鑄造其在庫錢者貴州差人于該省搬取以充兵餉價銀免解還欽此本年工科給事中萬象春題內外錢法不行一要重始鑄將金背鏡邊火漆參樣名色酌量歸一通行省直鑄造一要重責成有司籍稽誦行以查通塞撫按據考有司不時審究一要將存留稅糧及春夏紙贖酌量多寡分數銀錢兼收兼支尚書張學顏覆奉

聖旨近來朝廷詔令撫按官莫不着實奉行即如鑄

錢一事節次申飭何嘗再三竟未見有着實經理的其呈樣錢報錢數等項徒以虛文塞責甚至私鑄橫行姦民倡亂皆坐視不理科道官亦皆緘默不言好生曠職素餐令姑依擬再行禁飭其三樣鑄錢京師行使已久聽從民便不必又行改鑄歸一及致擾民以後你部院凡有題准通行事件都要一一細加體訪曾否實行效有成績如有廢格詔令取具文移了事的即便因事叅奏毋得扶同欺隱科道官係朝廷耳目着吏部查其建白章奏果于政體有裨及憲裁整肅能摘發幽隱的否

推陞京師鑄錢職毋但挨次筭俸一槩混用欽此

臣等謹按洪武間設寶源局鑄制錢以阜通財用其工役則工部司之其出納則戶部司之為法蓋已詳矣頃以錢法不行乃

命自京師達藩省官為鼓鑄以便民然錢顧未盡流布者則以私鑄盛而豪民阻撓市價為之梗也故於二者而厲為之禁而又收諸雜錢在官盡銷而更鑄之與用低假者有罰斯法立而錢不滯矣今

京師常祿皆壹分支錢玖分支銀此外則無有以



錢以俸者誠令諸藩郡縣皆倣

京師分數行之以為民率而常賦所入計其必宜  
用銀者則徵之如故其夫馬公費所供億務令  
皆取諸錢即贖金亦兼輸之行之久而錢不通  
者未之有也昔嘉靖中以

內帑不足間發銅錢以抵年例今若一倣而行之  
亦疏通之術也